



ՍՈՒՐԲ ՍՏԵՓԱՆՈՍԻ ՏՈՆԸ ԵՎ ՍԱՐԿԱՎԱԳԱԿԱՆ ՋԵՌՆԱԴՐՈՒԹՅՈՒՆ ՄԱՅՐ ԱԹՈՒՌՈՒՄ

Նախասարկաւագ և առաջին մարտիրոս՝
որ ի Քրիստոսէ պատկեցար և յերկնաճեմ
յԱռաքաստին պայծառացեալ բերկրեցար
Աղաչեա Վաստուած շնորհել մեզ զկեանս
անվախճան:

(ՇԱՐԱԿԱՆ)

Ամեն տարի Հայաստանյայց Առաքելական Ս. Եկեղեցին մեծ ջուշով ու հանդիսավորությամբ է տոնում Ս. Ստեփանոս Նախավկայի տոնը: Ս. Ստեփանոսի կերպարը ողջ քրիստոնյաների համար դարձել է գերագույն մարդասերի, ջերմեռանդ հավատացյալի և անմնացորդ նվիրյալի կերպար:

Ս. Ստեփանոսի տոնը դասվում է ավագ տոների շարքին: Եթե Քրիստոսի հրաշափառ ծնունդը տարվա սկզբնավորումն է, տարվա բարեբախտ բանալին, ապա Ս. Ստեփանոսի տոնը տարվա եզրափակումն է, ամբողջացումը:

Տոնին ավելի շքեղություն է հաղորդում, արդեն ավանդություն դարձած, հոգևոր ճեմարանի վերջին լսարանի ուսանողներին սարկավագ ձեռնադրելու հոգեպարար արարողությունը, մի արարողություն, որով հիմք է դրվում ապագա հոգևորականի ծառայասեր կյանքին:

Դեկտեմբերի 25-ին, երեքշաբթի.—Տոն Սրբոյն Ստեփաննոսի նախավկային և առաջին մարտիրոսին:

Մայր տաճարի Իջման սուրբ սեղանը տոնական լուսավորության մեջ է: Տոնական հանդերձանքի մեջ է նաև Մայր տաճարի հյուսիսային կողմում գտնվող Ս. Ստեփանոսի խորանը:

Մայր Աթոռի բոլոր սարկավագները տոնական շապիկներով մասնակցում են աշակոտյան ժամերգությանը: Դարավոր կամարների տակ դպիրները ոգեկոչում են «Քրիստոսի բարի նահատակ»-ի, «Քաղցրիկ տատրակ Ստեփաննոս»-ի անմահ հիշատակը:

«Փառք ի բարձունս»-ի ժամանակ բոլոր սարկավագները թագերով, բուրվառներով, տապանակներով ու մոմերով ատյանում կանգնած խնկարկում են հոգևորականներին, հավատացյալ ժողովրդին և փառաբանում երկնային Տիրոջը:

Ժամերգությունից հետո, ժամը 10,30-ին, Մայր տաճարի վանգակները բոլորին հրավիրում են եկեղեցի՝ մասնակցելու Ս. Ստեփանոսի տոնին նվիրված ս. պատարագին: Տաճարը լիքն է հավատացյալներով: Ժամօրինոցը հանդիսավոր ձայնով ավետում է սուրբ և անմահ պատարագի սկիզբը: Օրվա պատարագիցն է հոգեջնորհ Ս. Շնորհք աբեղա Բաղդասարյանը:

Սուրբ Գրական ընթերցումներից առաջ

չորրորդ լսարանի ուսանողներին շնորհել էր ուրար կրելու պատվավոր իրավունքը:

Մոտենում է ձեռնադրության խորհրդավոր պահը: Հնչում է «Աստուածային և երկնաւոր շնորհս...» շարականը: Նորընծա սարկավագները ծնրադիր, ձեռքերը վեր բարձրացրած հրաժարվում են աշխարհիկ կյանքից:

Ձեռնադրող սրբազան հայրը ձեռնադրության աղոթքները կարդալով ձեռքը դնում



Մի պահ ձեռնադրության արարողությունից

հոգևոր ձեմարանի վերջին լսարանի յոթ ուսանողներ, առաջնորդությամբ խարտավիլակ Ս. Թորգոմ աբեղա Խարապյանի, ծնրադիր առաջնորդվում են դեպի Ս. Ստեփանոս Նախավկայի խորանը:

Նորընծաներին իրենց կիսասարկավագության աստիճանն ստացել էին դեկտեմբերի 23-ին՝ ձեռնաձև Մայր տաճարի լուսարարապետ Ս. Հուսիկ արքեպս. Սանթրուրյանի: Նույն օրը սրբազան հայրը դպրության չորս աստիճաններ էր շնորհել հոգևոր ձեմարանի երրորդ լսարանի ուսանողներին: Իսկ

է նորընծաների գլուխներին: Հուլիս է պահը, որովհետև սրբազան հոր միջոցով Սուրբ Հոգին իր շնորհներն է բաշխում երիտասարդ հոգիներին, որպեսզի նրանք հետ այսու երջանիկ հնարավորությունը ունենան ս. պատարագի ընթացքում սպասավորելու ս. սեղանին և պատարագից քահանային: Հուլիս է ժամը, առավել ևս նորընծաները, որովհետև, երբ սրբազան հայրը սարկավագական ուրարները նրանց ուսերին է դնում, իրենք «երկիտլի և հաւատով» զգում են, որ իրենք հոգով և մարմնով ընկալում են Քրիս-

տոսի «քաղցր լուծը»: Ճիշտ է, ծանր է «լուծը» Բրիստոսի, բայց նրանք գիտակցում են, որ «քաղցր է, քի յախտեան է ողորմութիւն նորա»:

Ավարտելով ձեռնադրությունը Ս. Հուսիկ արքեպս. Սանթուրյանը իր շնորհավորանքներն ու մաղթանքներն է տալիս նորընծաներին, հորդորում է նրանց լինել Ս. Ստեփանոսի նման ծառայասեր և վերջում ի մասնավորի շեշտում. «Սիրելի նորընծա սարկավազներ, դուք այսօրվանից դառնում եք լիիրավ անդամը Հայաստանյայց Առաքելական Սուրբ Եկեղեցվո: Թող ձեր գալիքը կյանքը լինի բեղմնավոր և արդյունաշատ: Ձեր նվիրվածությունը և անդուլ աշխատանքները թող լինեն մեկ կաթիլ յուղ Ս. Լուսավորչի անմար կանթեղին, որ դարեր շարունակ լուսավորում է մեր Եկեղեցին ու ջերմացնում հայության հոգին: Կրկին անգամ շնորհավորում եմ ձեզ այս ուրախ առիթով»:

Հավարտ ս. պատարագի Ս. Հուսիկ արքեպս. Սանթուրյանը Վեհաքանում Վեհափառ Հայրապետին է ներկայացնում Մայր Աթոռի ավագ և նորընծա սարկավազներին: Սույն ընդունելության ներկա էին ուխտավորաբար Մայր Աթոռում գտնվող Ս. Էջմիածնի միաբան Ս. Աբել արքեպ. Օղուգյանը, Ս. Շնորհք արքեպ. Բաղդասարյանն ու Ս. Ասողիկ արքեպ. Արիստակեսյանը:

Վեհափառ Հայրապետը շնորհավորում է բոլոր սարկավազներին Ս. Ստեփանոսի տոնի առթիվ, մաղթում հաջողություններ, բացատրում է Ս. Ստեփանոս Նախավկայի մարտիրոսության լարժեքը՝ ժամանակակիցների հավատքի ամրապնդման համար: Իսկ նորընծա սարկավազներին հորդորում է լինել նվիրյալ, հավատավոր և աշխատասեր սպասավորներ Հայ Եկեղեցու և ժողովրդի: Ժամը 14.30-ին, վանքի սեղանատանը, ի պատիվ Մայր Աթոռի սարկավազների տրվում է ձաջկերույթ: ձաջկերույթին ներկա են լինում միաբանությունը և հոգևոր ձեմարանի ուսանողները:

Նորընծա սարկավազներին շնորհավորական խոսք է ասում Ս. Աբել արքեպ. Օղուգյանը:

Սարկավազների անունից շնորհակալական խոսքով հանդես է գալիս Սարգիս սրկ. Մելքոնյանը՝ խոստանալով անթերի նվիրումով ծառայել Հայ Եկեղեցուն և բարեխղճությամբ կատարել իրենց վրա դրված պարտականությունները:

Ձաջն անցնում է ուրախ և ջերմ մթնոլորտում:

Սարգիս սրկ. Մելքոնյան

Ծնվել է 1961 թ. դեկտեմբերի 6-ին Սիրիայի Քամիշլի քաղաքում: Սովորել է Լիբանանի Ջիբելի «Թռչնոց բույն» գիշերօթիկ դպրոցում, որտեղից տեղափոխվել է Պուրճ-Համուտի Արամյան վարժարան:

Այնուհետև տեղափոխվել է Սիրիա և սովորել է Քամիշլիի Եփրատ Ազգային վարժարանում: 1977 թ. ընդունվել է Անթիլիասի Մեծի Տանն Կիլիկիո դպրեվանք, իսկ 1980 թ. ընդունվել է Մայր Աթոռ Ս. Էջմիածնի հոգևոր ձեմարան:

Սամվել սրկ. Դանիելյան

Ծնվել է 1961 թ. նոյեմբերի 12-ին Երևան քաղաքում: Նախնական կրթությունն ստացել է Երևանի Շիրվանկաղեի անվան հմր. 21 միջնակարգ դպրոցում: 1979 թ. ավարտել է դպրոցը և ընդունվել Երևանի հմր. 9 պրոֆ-տեխնիկական ուսումնարան: 1980 թ. ավարտել է ուսումնարանը և նույն տարում ընդունվել Մայր Աթոռ Ս. Էջմիածնի հոգևոր ձեմարան:

Հայկ սրկ. Զուլյան

Ծնվել է 1959 թ. մարտի 24-ին Թուրքիայի Մալաթիա քաղաքում: Նախնական կրթությունն ստացել է Կ. Պոլսի Ներսեսյան վարժարանում: 1969 թ. ընտանիքով հայրենադարձվել են Հայաստան և բնակություն հաստատել Լենինական քաղաքում: Սովորել է Յուլիոս Ֆուչիկի անվան հմր. 26 ութամյա գիշերօթիկ դպրոցում: 1974 թ. ընդունվել է Լենինականի երկաթուղային տեխնիկում: Երկու տարի սովորելուց հետո, 1978 թ. ընդունվել է Մայր Աթոռ Ս. Էջմիածնի հոգևոր ձեմարան: 1979 թ. պորակոցվել է Սովետական բանակ և պորագրվելուց հետո շարունակել ուսումը հոգևոր ձեմարանում:

Միսակ սրկ. Սարիբեկյան

Ծնվել է 1960 թ. մայիսի 11-ին ՀՍՀՀ Էջմիածնի շրջանի Ներքին Ջելվա գյուղում: Նախնական կրթությունը ստացել է ծննդավայրի Նելսոն Ստեփանյանի անվան միջնակարգ դպրոցում: 1978 թ. ընդունվել է Մայր Աթոռ Ս. Էջմիածնի հոգևոր ձեմարան: Մեկ

տարի սովորելուց հետո պորակոչվել է Սովետական բանակ և պորացրվելուց հետո շարունակել է ուսումը հոգևոր ճեմարանում:

Ռոբերտ սրկ. Աղամյան

Ծնվել է 1963 թ. սեպտեմբերի 20-ին Իրանի Աբադան քաղաքում: 1970 թ. ընտանիքով հայրենադարձվել են հայրենիք և բնակություն հաստատել Էջմիածին քաղաքում: 1980 թ. ավարտել է Էջմիածնի հմր. 6 միջնակարգ դպրոցը և նույն տարում ընդունվել է Մայր Աթոռ Ս. Էջմիածնի հոգևոր ճեմարան:

Մարգար սրկ. Տերտերյան

Ծնվել է 1962 թ. մայիսի 12-ին ՀՍՀՄ Էջմիածին քաղաքում: Ավարտել է Էջմիածնի Երվանդ Օտյանի անվան հմր. 7 միջնակարգ

դպրոցը: 1980 թ. ընդունվել է Մայր Աթոռ Ս. Էջմիածնի հոգևոր ճեմարան:

Սամվել սրկ. Կճոյան

Ծնվել է 1957 թ. սեպտեմբերի 18-ին Երեւան քաղաքում: 1976 թ. ավարտել է Երեւանի հմր. 32 միջնակարգ դպրոցը: 1977—1979 թթ. ծառայել է Սովետական բանակում: 1981 թ. ընդունվել է Մայր Աթոռ Ս. Էջմիածնի հոգևոր ճեմարան:

*
* *

«Էջմիածին» ամսագրի խմբագրությունը շնորհավորում է նորընծա սարկավագներին և ցանկանում, որ նրանք միշտ եռանդով ու նվիրվածությամբ իրենց ուժերը ի սպաս դնեն՝ ի բարօրություն Հայ Եկեղեցու և ժողովրդի, որ նրանք դառնան «բարի մշակներ» և «բարի սերմնացաններ»:

